

Koliko košta obraz bh. šaha?

Written by Branko Tomic

Monday, 23 August 2010 15:28 - Last Updated Wednesday, 10 February 2016 09:50

Obraz olimpijski srebrnog bh. šaha prodat je za male pare, mogao bi se izvući zaključak nakon svega što se do sada dešavalo oko kampanje za izbor predsjednika FIDE.

Navodno, glas Kirsanu Iljumžinovu, sadašnjem predsjedniku, dat je u zamjenu za 25.000 dolara (ili nekih drugih novčanih jedinica), od čega je 60 odsto već uplaćeno.

Mešetari iz Šahovske unije (ŠU) BiH, dakle, utvrdili su pazar i na tome im ne treba zamjeriti. Ljudi, jednostavno, misle da toliko vrijede i oni i prijateljstvo Sarajeva sa Kasparovom, odnosno Karpovljevo mjesto počasnog člana Šahovskog saveza RS.

Čudi, međutim, izjava Seada Demirovića, predsjednika ŠU BiH, sarajevskim medijima da je u početku dao podršku Kasparovu ne znajući da je Karpov zapravo kandidat. U trenucima kada je cijeli svijet podijeljen u dva tabora, kao u vrijeme meča Fišer - Spaski, prvi čovjek Unije priznaje da nema pojma šta se dešava oko njega.

O zbrci oko glasanja na famoznoj sjednici Upravnog odbora ŠU BiH početkom jula nije obaviješten ni predsjednik ŠS Republike Srpske, Pantelija Dakić, dok se ostali pravdaju nedostatkom kvalitetnih informacija.

Ko onda upravlja Šahovskom unijom? Devet ljudi u Upravnom odboru iz reda sva tri naroda, vođenih zamaskiranim izjavama o interesima bh. šaha, zabija nož u leđa provjerenim prijateljima, umjesto da zasuku rukave i vlastitim radom obezbijede nedostajuća sredstva.

Kada bi odgovorne u našoj šator državi zaintrigirala ova nemarnost, javno bi upitali ko je ovlastio dezorjentisani nonet da donese tako krupnu odluku bez usaglašavanja stavova sa "bazom" koja ih je delegirala.

Istina, i ta "baza" ima oraha u džepovima. Da nije tako, ne bi se desila nervozna reakcija Vase Bojanića, člana UO ŠSRS, na konferenciji za novinare u Banjaluci, kada je

Koliko košta obraz bh. šaha?

Written by Branko Tomic

Monday, 23 August 2010 15:28 - Last Updated Wednesday, 10 February 2016 09:50

verbalno napao autora ovih redova umjesto da odgovori na gornja pitanja.

Manipulacije tipa da je Karpov igrao sa Šešeljem šah u Vukovaru, plasiranih iz federalnog dijela, lako se pobijaju, ali one govore nešto drugo - da bošnjački predstavnici više mrze Karpova nego što vole Kasparova.

Kasparov je sjajnom rečenicom pokazao šta misli o takvim ljudima: "To mi je dokaz da odgovorni gledaju u prošlost, a ne u budućnost".

Podsjetimo da su svoje ranije nesuglasice Karpov i Kasparov uspjeli da izgode u zajedničkoj želji da sruše Ijumžinova.

Ne vjerujemo da će se slično desiti na novoj sjednici UO ŠU BiH, krajem avgusta, na kojoj bi se trebalo ponovo razmotriti kojem će se carstvu Bosna i Hercegovina privoljeti.

Ako delegati ŠS FBiH ne popuste, mogli bi se uskoro suočiti sa potpunom blokadom rada Unije, pod uslovom da su u ŠSHB i ŠSRS iskreni u podršci Karpovu.

Sića od 25.000 nekih novčanih jedinica biće, u svakom slučaju, potrošena, a šahovskim životom u BiH i dalje će "gospodariti" ljudi koji će se zaduživati. To nas možda i ne treba brinuti; doći će novi izbori i nova mogućnost cjenkanja.